

## Problems psychics tar giuvenils s'augmentan

Scu tg'igl manader digl Nido del Lupo – en'instituziun sociala – rachinta, s'augmenta igl domber da giuvenilas e giuvenils cun problems psychics. Igl muteivs per chel augment è tenor *Fabio Botta* multifars: per l'egna ins vegia ozande pi pacas retegnientschas dad eir per ageid. An general observescha igl manader pero tgi giuvenilas e giuvenils èn duple stressos: «Medias socialas magnan ad en squitsch da stueir s'adattar.» Fabio Botta è digl aveis, tg'igl augment seia en indiz tgi ensatge na constetta betg ainten la nosssa societad. (fmr/sab) **Pagina 6**

# «Igl nosss giuvenils èn savens stressos»

Igl domber da giuvenilas e giuvenils cun problems psychics è s'augmento: psichiatrias per giuvenils èn plagnas – instituziuns socialas mademaintg. Igl Nido del Lupo ad Alvagni è ena tala instituziun tgi tgira giuvenils. Pertge tg'igl domber è s'augmento e pertge tg'igl Nido del Lupo è alla tschertga da famiglias da discargia – igl manader, Fabio Botta dat sclarimaint.

SANDRA BALZER/FMR

Appel ad Alvagni: Per migliurar la situaziun da veiver da lur giuvenils tschertga l'instituziun per giuvenils – igl Nido del Lupo – famiglias, ainten las qualas lur giuvenilas e giuvenils pon passantar las fegns d'emda u vacanzas.

### Appel alla populaziun

Igl Nido del Lupo ad Alvagni è en datgesa per giuvenilas e giuvenils tranter 12 e 18 onns tgi na son causa da crisas psychicas e/u difficultads socialas betg veiver ainten lur ambiaind uriund (varda box). Actualmaintg drezza l'instituziun en appel alla populaziun: igl domber da giuvenilas e giuvenils tgi on basigns en plaz da tgira seia s'augmento – er causa dalla pandemia. Pinavant seia er s'augmento igl domber da giuvenils, tgi na vegian nigra pussebladad da turnar las fegns d'emdas ni durant las vacanzas ainten lur ambiaind famigliar uriund. L'instituziun è damai alla tschertga da famiglias, pèrs

### Giuvenils èn stressos

*Fabio Botta* è gio varsaquants onns manader digl Nido del Lupo. El observescha en augment da giuvenilas e giuvenils cun problem psychics: «Psichiatrias per giuvenils on aint igl frataimp lungas glistas da spetga. Uscheia tg'igl è sto necessari da catter alternativas. Nous ischan bagn nigra clinica, pero vagn nous experientscha ainten la lavour cun giuvenils cun problems.» Tenor Fabio Botta fissigl impurtant, d'examinar chel augment general a moda scientifica: «Igl augment renda attent, tgi ensatge na constat betg ainten la nosssa societad. Perfranc ins ò ozande – an cumparegliaziun cun pi bod – pi pacas retegnientschas dad eir per ageid. Pero è chegl angal ena part dall'istorgia.» Fabio Botta observescha, tgi giuvenils èn pi savens sot squitsch – dantant betg exnom ainten scola: «Els on duple pussebladas. Medias socialas magnan tar en squitsch da stueir s'adattar. Igl nosss giuvenils èn savens stressos.»

«Medias socialas magnan tar en squitsch da stueir s'adattar.»

Fabio Botta,  
manader digl Nido del Lupo

cumdos da pedagogas e pedagogs professiunals ed oters giuvenils. Percheigl ègl da grond'impurtanza, tg'els possan er passantar taimp ainten en ambiaind sanadevel e tgirar contacts cun oters unfants e giuvenils tgi n'on betg tals problems.»

ni singulas persungas, tgi porschan en datgesa  
temporar per giuvenilas e giuvenils.

**«Psichiatrias per giuvenils  
on aint igl frataimp  
lungas glistas da spetga.  
Uscheia tg'igl è  
sto necessari da cattar  
alternativas.»**

Fabio Botta,  
manader digl Nido del Lupo

### **Daple basigns da tgira**

Er s'augmento è tenor Fabio Botta igl domber giuvenilas e giuvenils, tgi n'on nigra pussebladad da turnar las fegns d'emda u durant las vacanzas ainten lour famiglias uriundas: «Ozande tgiragn nous oters giuvenils tgi anc avant 10 onns. Da lez taimp eran chegl a moda classica igls mattatschs tgi faschevan tgutgareias e n'eran perchehl betg purtabels a tgesa ed ainten scola. Chels savevans per regla tuttegn tarmetter a tgesa sur las fegns d'emda.» Aint igl frataimp on igls giuvenils daple basigns da tgira. La consequenza: las famiglias èn surdumandadas. Savens on exact chels giuvenils gia lour ampremas crisas a tgesa, uscheia tg'els na votan er betg turnar», dei Fabio Botta.

### **Experientschas aint igl ambiaint sanadevel**

Tuttegn seiigl impurtant, tgi giuvenils posan da taimp an taimp bandunar igl Nido del Lupo e far experientschas ainten en ambiaint famigliar, accentuescha Fabio Botta e precise-scha: «Ainten la noss'instituziun èn els cir-

**Famiglias da discargia vignan sustigneidas digl team professional digl Nido del Lupo ed indemnisadas per lour spesas e la labour da tgira. Daple infurmaziuns èn da cattar sot [www.nidodellupo.ch](http://www.nidodellupo.ch).**

## **L'instituziun per giuvenils**

Igl Nido del Lupo è en'instituziun per giuvenilas e giuvenils, rancunascheida digl Uffez di sarvetsch social digl cantun Grischun. Anfignen set giuvenils tgira l'instituziun ad Alvagni vischnanca. Els frequaintan la scola interna, lavouran ve da projects ed on la pussebladad da scuvreir ulteriouras re-sursas cun projects da circus. Accumpagnea vignan els da pedagogs socials e persungas d'instrucziun.